



9  
4186  
13





伏得客氣總伸正氣

七情之發。惟氣難調。人之氣有兩樣。有客氣。有正氣。

正氣者。義理之勇。植名節而扶綱常。客氣者。血氣之

勇。逞雄心而肆暴戾。正氣不可無。血氣不可有。伏得

客氣下。而後正氣可常伸。孔子曰。及其壯也。血氣方

剛。戒之在鬪。夫氣之發也。忿如火。不遏則燎原。怒如

水。不止則滔天。無禮義以閑其心。必至於我求勝人。

人亦求勝於我。冤冤相結。無有已時。俗云。任性使氣。

人事通

法

五三

尊

昭和42年12月12日寄  
和田大作氏贈



門口 9  
號 4186  
卷 13

門口 9  
號 4186  
卷 12

誰不怕你。也要隄防。王法天理。謂人又云。心平氣和者。百福自集。要知人當暴怒時。正死生關頭。含忿過忿的景界。此時猶當痛加猛省。平氣以處。譬如行草莽中。而荆棘之在衣。雖怒何益。惟徐行緩解。則脫然去體。所以氣欲柔。不欲強。氣欲順。不欲逆。氣欲定。不欲亂。氣欲聚。不欲散。惟養定者。非意可以理遣。橫逆付之不校。抑其疆陽。化其虛憍。如汜省子之養鬪雞。如孟氏之養浩然。自心和而形和。形和而氣和。望之

者。無不冰消雪化矣。要知忍得一時之氣。免得百年之憂。少年得志之人。勝心易起。每逞其悻悻不平之氣。較雄計雌。少不如意。輒變色相加。小則奮拳攘臂。大則聚衆操戈。一朝之忿。亡其身。以及其親。悔之何及。不過付之長歎而已。

### 養氣

氣之害有七。怒則氣上。驚則氣亂。恐則氣下。勞則氣耗。悲則氣消。喜則氣緩。思則氣結。惟養定足以消之。



韓范二公於上前爭議國是彼此相競如虎及至下殿不失和氣此善養之明驗也是以文章功業俱以養氣爲第一。

戒氣歌

勸世人莫鬪氣只因些小口頭言等閒做起許大事有人來說他罵你也莫答應也莫理當面唾罵如不聞若還打來只迴避英雄好漢讓他做自有傍邊識者笑他日遇着硬對頭披枷帶鎖不肯饒請君試看

齒與舌軟的不壞硬的毀。

好言語只要人肯聽從

世上不愁無好言語只愁雖有好言語人却不肯聽從予每見有一種人聽見極好的說話怎奈聽之者如風吹過盆不會入耳警心更有毀謗議論譏誚惱怒者不獨有負出言人之好心其實是不肯聽從人之無福承受也豈不甚可惜哉。

慶慰之欣戚宜忌



凡親友人家。如有婚姻壽誕登科生子諸喜慶。事情我若往彼慶賀。或遇此等事之客座酒筵。須要代爲欣喜歡樂。切不可愁眉蹙額。恐被人知見。疑我有如忌不樂之心。豈不惹人怨恨。凡親友人家。如有疾病官訟火盜死喪諸災禍事情。我若往彼候慰。或遇此等事之客座酒筵。須要代爲憂慮悲歎。切不可歡喜欣笑。恐被人知見。疑我有幸災樂禍之心。豈不惹人怨恨。總之樂人之樂。憂人之憂。不獨體順人之情意。

而且自己亦大有受用也。

慶慰之言談宜忌

凡遇有諸喜事之慶賀酒筵座中若開口說話。先要存心一想。但有干涉死喪災病諸事之言。切不可出口。卽字有犯忌者。如死字。史字。喪字。祭字之類。亦不可錯說。倘彼聽知。或家人親友傳說。當時雖不好明說。心中必將謂我有意不足。而生陰毒矣。最惹人恨。其遇有可憂諸事。凡欣喜之言。亦當切戒。總之酒席



人衆俱不可多言。既免忌諱。又無禍害也。

壞人行止存在心裡

凡朋友親族中。如有沒良心的。或有好狡刻毒險惡的。我曾同做過事。或曾與其交往。雖然知得十分真確。總要存在自己心裡。外面却和顏悅色。低聲下氣。推事遠他。切不可顯然頓絕他。致令結怨。切不可將也壞處向人訴說。恐再遇壞人傳說聞知。彼不自悔。反生怨恨。讐隙排陷。每每由此而起。所以君子絕交。

不出惡言大有高見也。

聽人說話俱要包容

聽人說話。俱要包容。譬如人說一事。有朝代記錯的。有姓名不真的。有字認訛舛的。有語句讀得顛倒改換的。有荒唐虛謬的。有鄙俗不堪又耳的。要知其人或愚或拙。或無才學。所以如此。班不可將。也壞處道口說出。代他改正。亦不可笑他鄙。他在我解說。幸他雖是好意。但恐彼人羞愧。沒趣。豈不反惹怨恨。前人



有云當面証人。惹恨最大。是與不是。隨他說罷。其見人文字書畫衣冠器物房屋以及行止動靜面目身體。俱要存心包容。享許多福。免許多禍。不可忽也。

說話令人歡喜妙法

喜人說好處。恨人說壞處。人情之常。凡人或有羞慚可恥的事。或有鄙俗下賤的事。或有被人欺侮詐騙不可與聞的事。或有傷風敗俗卽事。不獨不可信口說起。卽或出言之間。設有別人事。情近於此者。俱當

避忌。猶恐傳說。彼人聽知。羞愧沒趣。且疑我造言毀謗。多致招尤惹怨。或有傍人談說者。我當代爲遮蓋。彼自感愧矣。譬如人有榮幸得意。勝人過人。可喜可羨之事。須要頻頻向衆傳說。多加誇張稱贊。彼人知聞。自然欣喜快樂。深爲感激。此涉世最妙之法。

教子以身教爲第一

教訓子孫。全在爲父祖者。善能以身爲表樣。多方引誘。纔得成人。不專在瑣碎打罵而已。若能舉止動靜。



處處薰陶。子孫從幼小時。候眼中看見父。祖是這樣  
行事。耳內聽見父祖是這樣說話。自然不知不覺。也  
照依這樣行事。也照依這樣說話。大約農之子。常爲  
農。士之子。常爲士。弓冶相承。自然。倘或父祖不  
重讀書。子孫也就不知書。爲何物。父祖不知稼穡。子  
孫也就不知田在何方。又如父祖勤勞。子孫決不懶  
惰。父祖儉朴。子孫決不費用。父祖喜於徵歌。子孫必  
學笙歌。簫鼓。父祖喜於看牌。摸。骰。馬。弔。博。奕。諸技。子

孫必至於大賭傾家。父祖好色。子孫必至姦淫。父祖  
遊蕩奢華。子孫必至破敗家產。下流貧賤而後止。父  
祖爭訟。子孫定遭刑獄。父祖專趣惡人。子孫不爲盜  
賊不休。原非性之本然。皆因習之相近也。總之起初  
效尤。遂至無藥醫救。所以蘇東坡有云。其父殺人報  
仇。其子必且行劫。卽此義也。可見教訓子孫。必須自  
正己身。己身能正。就是訓子的方法。予最愛前人有  
二句云。心術不可得罪於天地。言行要留好樣與兒



孫真格言也。

老醫少卜

老醫少卜。人俱推重。蓋因醫生年老。見過病症。必然甚多。所以用藥必然穩當。若少年醫生。見病不多。主意必然恍惚。認不真確。用藥必然錯誤。身命大事。豈可輕忽。所以不可不遵訪倚托也。但此亦大槩而言。又須看其醫人。才學有無。倘若不學無術。庸愚偏執之輩。雖百歲衰朽。亦何益耶。至如占卜用少壯幼童。

者以其精神全而思慮專。所以言多靈驗也。

辨講學之益

世人往往闢講學者。且疾視之。不知學問是自家本等當做之事。不講豈得明白。闢之者左矣。雖講學誠不可闕。但所講亦自有辨。如六經論孟。前儒註解大明。無論矣。卽朱陸之辨。陽明良知之說。所論所註。不知過了幾十代人。義亦顯著。日啾啾於此。似多了一番。倘聚會時。只辨析疑難。商確時事。利病箴規。彼我



得失。卽朝講夕談。處處有益。講之何妨。

### 心不容昧

人不可昧此心。要知天理之在人心者。自不容昧耳。予每見世人。生平作不善事。至死率現真性。能自說其事。或因惡疾以示戒。或說所見凶惡之相。并及平日隱慝之事。皆真性所見。不容自昧者。

### 洗得失之念

昔許魯齋云。花開花謝。時去時來。福方慰服。禍已成。

胎得未足。慕先何可哀。得失在彼。敬聽天裁。味此言也。令人得失念頭。脫然如洗。

### 義命

人處窮通得喪。真有個義命在。倘信得義命真。完得胸中一點真樂。卽飯蔬枕肱。窮困極了。亦且瀟灑快活。浮雲富貴。况衣食廬舍。稍稍適意。又豈以在外者動心哉。若彼甲第連雲。田漕千陌。乃復日執牙籌。貪饕食無厭。朝暮戚戚不已。只是物欲昏蔽之極。全不識



義命爲何物就如觸紙蠅飛甕蚋投炬蛾一般。

諸事不容僥倖

蘓子云。深山大川。有天下之至寶。無意於寶者得之。予常驗之功名富貴。彼斤斤求必得者。輒不得。諧所願。惟置身於澹泊寂寞。一無所覲。則儻來者嘗在意外。乃知造化無心。非有心者。可僥倖於萬一也。

天付已定

栽培傾覆。天道常理。予往往驗之。有福人家。好事則

層見叠出。彼貧薄之士。失意事常多。蓋因渠落草時。分付已亡。後來造化。各只還他本等的。豈有心豐嗇之哉。細味子思子此言。實窺透造物者之心。

安命快活之理

造化賦人以一定之分。驅人以不測之機。是以往往爲造化小兒所弄。終日營營戚戚。趨利避禍。與甕蚋相似。獨彼聖人窺破了。只是快活。吉凶悔吝。一順其自然。故曰樂天知命。文識得常人未必能知命。只教



他安之而已。至此則造化不測之機，乃無如聖人何。

真精泄後則氣降

人始生氣日向上。所以齒毀復出，髮剝更生，及真精泄後，氣漸下降。初則便溺處毫毛，次則兩脇下毫毛，精神已虧於體矣。又次則兩頰生髭鬚，又次則兩頤生髭鬚，而精神已虧於首矣。然猶精血完滿，鬚髮尚黑。中年以後，精血兩虧，鬚髮漸白，齒牙漸落，一白不復黑矣。一落不復生矣。就此時保養精氣，猶恐不及。

况縱慾以戕之乎。思之思之，令人悚攝。

年過五十歲必要受用

人生在世，壯年固不可不辛勤創立。若至將衰，則有所不同。前人云：人生七十古來稀。如已經年至半百，後來韶光縱多，亦不過二三十年。乃營營朝暮，不思一息機，自適其道，殊可嗟惜。曠達之士，便能勘透。凡遇好山水，好光景，必要受用些，決不肯挫過。

連環字義



古人製連環字句。皆有深意。如曰窮通。曰禍福。曰貧富。曰得喪。曰常變。曰榮辱。曰利害。曰否泰。曰貴賤。曰聚散。曰盛衰。大都窮有時通。貧有時富。禍兮福倚。至於得無不喪。常無不變。榮必有辱。利必有害。貴有時賤。否有時泰。聚有時散。盛有時衰。皆理數剝復之常。要之。不來。却之。不去者。世人於得意處。輒驕。失意處。輒戚。皆不識剝復相因之理。徒自勞擾已耳。

忠厚勤儉

言公潛湖。疾將革。子孫環遶床蓆。泣受遺命。公笑曰。予何言。忠厚勤儉。是宅心保家之要。旣而曰。予聞生死之際。聖賢所慎。常情畏怖。神識便亂。今得了便了。心下曠無一事。更覺輕脫。不審去後。復作何狀。言訖而逝。人能體此。則入世出世之法。盡之矣。

福緣

人之福緣。自有分量。蓋自誕降之日。分賦已定。絲毫不容增減。每見貴家富室。科第雲仍。稱意事。層見叠



出。豈偶然哉。緣渠宿世善因。眼前修飾。抑或祖宗所積慶餘。是以受享乃爾。羨之妬之。何如自勵自修。

### 渾厚是享福之基

天地間完福。多自渾厚。鵲人得之。人若太精明。太伶俐。毫髮不放過者。往往不能全享。卽全之亦不能久。此無他。造化純龐處。盡被此輩剝喪。所以其人之享用。僅僅如是。予驗之眼前人。每每如此。凡出言行事。不可不存渾厚。存渾厚者。是自有受用也。

### 好勇鬪狠之害

世人立身。貴在和平。要知天地和則萬物亨。國家和則禎祥集。人身和則災禍消。和之一字。可爲至寶。我每見世人能和者少。不能和者多。往往多逞血氣之勇。只因一言半句。些微小事。觸着怒氣。便捨身拚命。爭鬪不休。這都是愚蠢下流所爲的事。若是明白道理的人。就知好勇鬪狠以危父母。謂之不孝。斷斷不爲。我把這鬪狠的禍害畧說與你們一聽。我每每看



見兩家相鬪。怒氣狂發。拳棍底下沒眼睛。凶忙之時不分好歹。亂打亂踢。輕則傷肢折體。做個殘疾廢人。重則不是你們打死他人。便是他人打死你們。時常竟有一拳一掌。一棍一物。打着致命處。所人便登時死了。無法解救的。如若自己被打他人打死。自己的屍骸。必遭檢驗。蒸刮自己的父母妻子。必做苦主告狀。千愁萬苦。千痛萬恨。自己在惡死地獄中坐着。父母無靠。妻子活離。這還是古了便宜的。如若你們打死

了他人。房屋被苦主折去。家伙被苦主打去。財帛被苦主搶去。父母妻子兄弟。若躲避不及。被苦主拿去。弔的弔。打的打。錐的錐。搗的搗。百般凌辱。不算正帳。苦主拿鎖。凶犯私下打個死邊。過再送官司。三推六問。審過又審。問過又問。打過又打。夾過又夾。府縣審了。又解上司復審。鎖扭牢囚。受盡無限痛楚。監禁日久。家財已破。衣食艱難。父母累死。奴僕逃散。凶犯妻子必然親身到監送飯。初時尚能各處借貸買飯送



吃。後來借貸無門。求乞無路。連妻子不得不做無恥的事。以供食用。人各有心。豈不思量。這無恥的餒。可是喫得下咽的。又有凶犯問成死罪。斬決之後。妻子無依。不得不嫁人。那時妻爲別人妻。子爲別人子。凶犯雖做了無頭之鬼。若知這個悽慘。亦必淚從斷喉血管中流出。可不怕麼。但油刮光棍。各地方都有。倚着有些膂力。便到處打降。及至犯法受罪的時候。萬千慘苦。猪狗不如。悔也悔不來。救也救不出。真正可

憐。我勸世上人。於未犯之前。看着這許多問成死罪的人命大案。多因些微小事而起。各要速速回頭改悔。自今以後。一切事。性氣要和平。些讓人一看。如若十分讓不過的事。寧可告官究治。切不可輕易動手相打。自己享許多快活安樂。受福不小。

### 賭

姦必殺。賭必盜。古人說的話。半點不差。你們好賭。原思量贏人的錢財。誰知反輸了自己的錢財。輸了思



量復本。誰知越賭越輸。越輸越窮。荒廢事業。又被親友們笑罵。你在路上行走。人都背後指之說。此賭博不肖子過去了。你到親友家中。人都大小相戒說。賭博賊來了。須要仔細防備他。人生在世。都是這樣面目待你。真正羞死。你見賭博的人。那一個有發財的。那一個不流散無恥的。那一個不破家蕩產的。那一個不被父母打罵驅逐的。那一個不受妻子朝夕怨詈的。及至狼狽無依。饑寒退體。勢必做賊偷竊。漸漸

手熟脚慣。自然入在強盜一伙裡去。我往往見拿獲大盜。問官嚴審時。問他爲何去做賊。答曰。止因賭錢輸了。無處設法。沒奈何。就去做賊。這等看起來。只爲賭錢。便連性命也喪了。我勸你們莫賭。須要先替你們除去好賭的病根。大凡賭錢的人。都是遊手遊食。不做生業的人。終日裡喫了閒飯。不想賭錢。便想姦淫。你們須要名尋個事業去做。不論大小。勞心勞力。日夜無空閒工夫。自然就不賭了。



隨身八寶

孝。弟。忠。信。禮。義。廉。恥。此八個字是人身功已的八寶。此八件譬如房屋之有梁柱。若少一梁柱。房屋必然傾倒。又如網之四傍。繩網若缺一邊。如何得用。所以這八件是件件時刻少不得的。却又是人人時刻離不得的。大凡教人做個好人。須要從此八件做起。人若做了壞事。罵爲忘八。就是忘此八字了。既忘了此八字。還成得個甚的人。

孝

父母之恩。如天罔極。爲人子者。不可不加意孝順。若只知妻子飽煖。不顧父母饑寒。只知任性忤逆。不察父母喜怒。這等的人。雖有子孫。也是照樣不孝。必不昌盛。縱得富貴。也是衣冠禽獸。必不長久。千萬不可學他。須要以孝爲嘉。以不孝爲可羞。方纔成得個人。况人生奉事父母。從無百年永侍。今日有父母。不肯孝順。後日知孝順。又無父母。切須時時刻刻。把父母



記念在心。凡事竭力承歡。不可少有半點忤逆。這總  
於心無愧。我的子孫亦復如是孝我矣。

弟

兄弟同胞共乳。古稱手足。全要敬愛。是以表國之事。  
史冊傳芳。我每見今人不獨不能盡其恭敬。且有聽  
室人讒言而分爨析居的。或因些少財產而溝怨致  
訟。仇恨終身不解的。又或身處富貴。兄弟貧賤。任其  
饑寒。聽其流敝。不爲心惻。反爲深幸的。獨不思兄弟

誼同一本。如此相待。父母存。傷心固不必言。父母亡。  
地下必不瞑目。心何忍也。至親兄弟尚如此。又安望  
其對叔伯友昆而知敬知愛。見鄉里尊長而毋侮毋  
慢耶。我願世人盡孝弟之道。做個好人。豈不幸甚。

忠

我等布衣小民。凡忠君愛國的事。何敢多言。只是做  
人勤儉。早早上完。朝廷的錢糧。安分守己。不犯  
朝廷的法律。每早焚香叩天。保求皇上萬壽。天



下太平。這就是小民盡忠了。

信

人不信實。諸事無成。親友俱不相托。雖有說話。俱不聽從。目爲謏謠虛妄之人。自賤自棄。豈不可惜。

禮

禮義經天緯地。包括甚大。我畧舉日用當行者言之。人生天地間。不可一刻無禮。處家庭之內。父母坐於上。子侍立於下。見伯叔過而起。與兄長行而隨。食必

先讓。勞必自居。男女不可雜。

姑姊妹之前。切戒

褻體。尤不可戲言。皆禮也。處鄉黨之中。遇長者必敬。不可慢忽。遇同輩必謙。不可欺侮。衣冠要正。行止要端。迎賓會客。登降拜跪。不可急遽粗俗。務要雍容和藹。皆禮也。由此觀之。凡一言一動。一視一聽。都要合禮。無禮則非人類矣。可不慎歟。

義

義者宜也。爲所當爲。謂之義。如爲子死。孝。爲臣死。忠。



之類是也。其次則於宗族鄉黨之中。見有貧而不能婚嫁殯葬的。須當量力以贈之。見有遭難困苦衣食不給的。須當量力以濟之。見有含冤負屈而不能伸的。須當出力率眾慷慨公道以白之。至於修橋修路施藥施棺賑饑濟乏喜道人善廣行方便皆義也。子曰見義不為無勇也。大哉聖人之言矣。

### 廉

廉者無求無欲不奪不貪是也。物各有主苟非吾之

所有雖一毫而莫取。這是正理。如見人有富貴。心懷如忌。見大有財寶。心懷覬覦。見人有美色。心懷羨慕。皆不是廉。不廉卽盜。雖無盜行。已有盜心。不必攘奪偷竊。方謂之盜也。

### 恥

孟子曰。恥之於人大矣。人不可以無恥。朱子曰。有恥則進於聖賢。無恥則入於禽獸。可見恥之一字。乃人生第一要事。如知恥則潔已勵行。思學正人所為。皆



光明正大。凡污賤淫惡不肖。下流之事。決不肯爲。如不知恥。則事事反是。彼豈異於人哉。蓋緣心無羞惡。天良已絕。日習日邪。愈趨愈下。與禽獸相去幾希。

### 勤耕織

男耕女織。聖世良民語云。一夫不耕。全家受饑。一女不織。全家受寒。切勿怠惰。自取窮苦。宜勤耕勤織。更有許多好處。收穫之後。先完漕米。隨即計算一年所喫之糧。藏頓內室。其餘糶賣。封納錢糧外。則積蓄囊

中。所織綉布。將布供給一家穿着外。紬則不可浪費。盡行變賣銀錢。年年如此。雖不大富。亦稱充足。上不欠官錢。下不欠私債。含哺鼓腹。安逸過日。每逢歲時。伏臘斗酒。隻鷄。家人父子團聚一堂。笑語嘻嘻。豈非人間第一等樂事。雖曰耕有胼胝之苦。織有機杼之勞。要知成人不自在。自在不成人。凡世間財穀。斷未有不從勞力。辛苦中得來的。況商賈官宦。攜許多資本。抱許多才學。尚且水陸奔馳。風波塵埃。拋家業。離



骨肉何等苦楚。我苦苦奉勸男女努力共成家計。切不可懶惰。自取窮苦。且男女勤謹。一心只知耕織。則不肖非僻淫慾邪念之事。一槩不爲。是一勤而百善俱備。仔細思量。最有快樂。最討便宜。

各守本分

昔人云。刀斧雖利。不如無罪之人。世人各能謹守本分。何罪之有。但世上有一等人。性多輕佻。不肯循規蹈矩。不肯各安生業。或閒管是非。或好勝逞氣。或越

理妄爲。或暗計害人。或結黨詐騙。要知舉動一錯。自然惹禍招災。輕則敗家。重則喪命。到得懊悔之時。噬臍無及矣。予願讀書者。當閉戶發憤。止愧學問無成。那管窓外閒事。務農者。當用力南畝。惟知及時耕種。切莫懸耜妄爲藝業者。當居肆成工。務以技能取利。勿生邪念。曠閒商賈者。當竭力經營。一味公平。忍耐毋爲奇巧欺人。如是則盜賊不作。凶惡潛消。刑罰可以不設。兵革可以不生。風俗淳厚。太平坐享。常思昔



人日出而作。日入而息。耕田而食。鑿井而飲。何等快活。這方是真正守本分的人。

不可索人愛物。凡可愛之田房花果飲食奴婢之類戒義同此。

凡有精美可愛之物。不可輕易向人索取。要知人心相同。物之可愛者。我心既愛。彼心亦愛。奪人之愛。心甚不良。若開口向說。彼或不允。豈不自愧。彼或不得已而與我。未嘗不隱恨於心也。何必因此而取人之怨尤乎。有識之人。當不謬予言。

### 善樂惡苦

爲善到人知處樂。到人不知處更樂。爲惡到人知處苦。到人不知處更苦。

### 立身主意

天地如許其廣也。萬物如許其多也。元會世運如許其長久也。我以極微極渺之軀。生於其內。身不過七尺。世不滿百年。以七尺之身。寓百年之世。不啻石火電光而已。卽急急忙忙。以日爲歲。理我本分事業。猶



恐溘先朝露。抱千古不了之恨。安得閒工夫。管閒事。說閒話。斷送有用之駒隙哉。諺云。一失脚時千古笑。再回頭是百年人。與其苟且立身。枉然出世一場。不若發奮爲雄。卓然自立。流芳百世之爲愈也。立身之要。最上者。踐形盡性。做宇宙中第一等人。何難希聖希賢。其次莫如讀書。命運通達。可以登科甲。出而建功立業。否則訓導生徒。可以養身。或從事筆札。亦可以糊口。儒言儒行。又可以振家聲。教子孫。大有益於

我矣。卽不能習儒。則農商醫卜工藝。皆可資生。此所謂有恒產者。有恒心也。是以貧賤有業。不至饑寒。富貴有業。不至爲非。此誠立身之根本。不然。人生世上。識些道理。不想做個本分好人。豈但爲鄉黨所笑。卽天地鬼神亦所深惡。嗟乎。宇宙原未嘗限人。而人自限於宇宙矣。世人無遠大之識。不能賈壯選術。立身揚名。以顯父母。而作狂奴故態。挨排度日。非馳騁於裘馬之場。卽角勝於嫖賭之地。以身爲市。以利爲壑。



終日落填火坑如何。總得出頭。所謂下等之人。徒爲  
汚世。豈不可惜。豈不可憐。

### 立志貴先

志者。心之所期也。心之所期。貴乎專一。性理云。遠舉  
之。而必至。謂之志。蓋必要到究竟。方是志也。譬如射  
者。初挾矢時。卽祈命中。必至穿楊而後已。譬如行路  
心。祈到某處。必要忙忙行到。如此方是志。若半途而  
廢。皆非志也。凡半上落下。爲學與作事。總無一成是

以立志貴先也。立志要辨志。頭路方不差錯。

### 子弟早晚家禮

子弟不拘大小。每日早晨上學。俱先在家內奉揖家  
神。父母尊長。晚間館回亦然。每早至學館。奉揖聖人  
先生。晚間課完回家亦然。至於遠出遠歸。赴筵筵。成  
要事。俱要奉揖告辭告回。奉揖時。須要稱呼恭敬。不  
可慌忙草率。要知子弟終日習此。不獨禮節熟練。又  
令其知尊卑上下之儀。銷許多驕傲粗猛之氣。最有



大益雖初寒暑雨不可一日或免子弟卽長至二十餘歲亦不可免。

行禮全要恭敬

行禮揖拜時全要舒徐恭敬倘若慌忙急促定然失儀奉揖時惟目視自己鞋尖最爲恭敬得體。

同衆人行禮不可自爲上下

同衆人共揖共拜須要照看左右齊勻不妨畧從緩些不可自爲先後七上八下以致失儀。

夜臥不可以被蓋面

夜間睡臥不可將被連頭臉朦蓋今人冬月怕冷往往有此殊不知頭臉因綿被蓋住週身煖氣薰蒸極易患眼一也陽氣不能外出易生毒瘡毒癩二也頭多眩暈三也兩耳旣然被蓋戶外倘有火盜諸不測事總不聽聞最悞大事四也有此四忌切須戒之。

小兒莫食鷄

鷄肉不可與小兒食要知小兒脾胃柔薄鷄肉堅實



不能銷化。或生白虫。或成痞積。爲害不小。凡病人年  
老人。亦不可多食。週歲內小兒。更不可與食。

臘肉火腿

臘肉火腿。病愈之人。每喜下粥飯。殊不知病之初愈。  
臟腑虛弱。火腿堅實。不能銷化。反成積患。須宜煨煮  
極爛。少食爲佳。但凡肉不爛者。小兒亦不可與食。

勤儉要有分別

勤求儉用。是成家立業之妙法。但勤求。只當於我本

身內。加意辛勤。若是提出強人之錢財。切不可思想  
圖謀。卽或謀來。予恐天道之遠。從惡中得者。未久又  
從惡中加倍銷滅矣。儉用。只是量入爲出。不急之事  
莫爲。至於孝弟忠信。人倫禮節之類。應用錢財者。亦  
不可鄙吝。若實於減省。予恐惹人譏笑。起人怨恨矣。

收藏海味銀魚之類

海參海魚銀魚海蝦之類。如逢久雨。或霉。要發潮濕  
須要烘乾。先將蒜瓣剝開。鋪缸底。候冷。或盛收蝦米



銀魚之類。俱以蒜瓣收。則不生虫。盛磁器。蓋緊。莫透氣。則味甚鮮。將蝦米海味。先用滾水泡透。煨則易爛。

### 謙爲吉府

謙爲吉府。傲乃罪根。未有不敬而能謙者。要知謙之一字。刻不可離。其少年子弟。更是急急當服之藥。

### 能知足卽時常享樂

天地有萬紀。此身不再來。人生在世。縱然活得百年。三萬六千日之外。吾不得而有也。奈何以有限之年。

掛無窮之慮。蓋素位而行。無入不得。人每欲以智力求多於造物。愈得愈求。愈求愈貪。愈貪則愈不足矣。當思天地。如逆旅身世。若蜉蝣王侯腐草。同期於盡。苟非吾之所有。卽費盡心力。用盡機關。祇徒自苦耳。有何益哉。昔人云。眼前隨分好光陰。誰道人生多不足。又云。如今休去便休去。若覓了時無了時。此極高之見識也。富貴不知足。是懷貧賤心。貧賤能知足。實享富貴樂。若隨遇隨安。隨時隨過。則心地清涼。眼前



便是淨土。其知足者乃其所以常足也。非所謂大休  
歇。大自在。漢耶。是以知足之人。雖境遇有所不如。只  
將更有不如者。往下思想。隨時隨地。都覺快樂。此卽  
現在天堂。自己享樂。享福者多矣。若不知足之人。因  
其心中。時時刻刻。有無限不了的事件。有得這件。還  
少那件。只是憂愁。苦惱。個無歇無休。雖有諸般好境  
界。諸般好受。川無柰他。總不知覺。此卽現在地獄。自  
已受苦受罪者多矣。予傳授知足秘法。不必另尋捷

徑。只須將不如我者。往下幾層一比。要想此日此時  
世上有許多。遐方異域。草衣木食。巢居穴處。寒則裂  
膚。熱則炙骨。名雖爲人。而實則禽獸不若的。又有許  
多。鰥寡孤獨。哀痛無告的。又有許多。無家無業。而甘  
受恥辱。奔走下賤的。又有許多。貧無立錫。食不充口。  
衣不充身。饑寒急迫。借貸無門的。又有許多。手不得  
停。腳不得住。饑不得食。渴不得飲。勞筋苦骨。面焦形  
枯。血汗辛勤。冲風冒雨。而寒暑不息的。又有許多。或



耳聾眼瞎或啞啞痴呆。或手體殘缺或人事不知的。又有許多身往他鄉外郡。拋妻撇子。骨肉分離。沐雨櫛風。披星戴月。波浪沉覆之驚駭。山谷險峻之危難。塵埃滿面而旅邸孤苦的。又有許多寒暑瘟疫瘋癘。鼓膈疾病卧床。癰疽疔毒。膿血淋漓。痛楚呻吟。求生不能。求死不得。醫治不愈的。又有許多忽被狼吞虎嚼。蛇傷蠱毒。身命不保的。又有許多官事牽連。夾打鎖鈕。囚陷牢獄。叫痛鳴冤。而控訴無伸的。又有事犯

刑憲。笞杖徒流。甚至絞斬天罪的。又有許多自縊。自刎。投河落井。慘死非命的。又有許多遭喪失火。被盜被劫。刀兵大難的。種種苦楚。說之不盡。總是前生惡業所致。或是現世積作果報。真可痛哉。真可畏哉。惟是爾我同一形軀。同人知覺。他人則如此慘苦。豈非地獄受罪之囚犯。我今飽煖安康。豈非天堂快樂之神仙。有此快樂大福。再不知足。還要想長想短。愁東愁西。真大錯矣。真薄福矣。人能如此常想。卽常得享



樂享福貧可當富。賤可當貴。凡人可以當仙佛。要知享樂享福受苦受罪。都是自己取討。人之光陰有限。非性天地之長久。人之精神亦有限。非比金鐵之堅固。急早享樂。已經嫌遲。切不可再去自尋受苦也。予再說前人生事爲引証。義更明白。昔王定國自嶺外歸。出歌者柔奴勸東坡酒。坡問柔奴。廣南風土可居否。柔對曰。此心安處便是家鄉。不必好風景。夫柔奴一女子。且不擇地而足。真所謂炎海變清涼也。金縷

胡九韶。每日焚香頓首。謝天賜清福。其妻笑曰。三盞菜粥。何爲清福。韶曰。吾幸生太平之世。無兵禍。又幸一家得免饑寒。又幸榻無病人。獄無囚人。非福而何。九韶之言。初若易之。及思旦暮之間。少有不測之事。卽不寧矣。焉得不以韶言爲寶。西廊有富翁。朝起面蹙額不寧。夜卧展轉於床。不安其寢。或叩之。故曰。吾積金僅萬耳。何日至鉅萬也。吾諸子皆博貲。卽耳不能台鼎。取遠到也。吾年且邁。不能望百齡也。吾之皺



眉懷恨。沒身而已。所以年未老而髮白齒脫也。不知足若此。是倒置之民。自尋苦楚。甚爲可憐。此三事須以西廓富翁爲戒。而以九韶柔奴爲式。則時常樂矣。

不如意 改陳眉公語

人生世間。自有知識以來。卽有憂患不如意之事。小兒叫號。皆其意有下平。自幼至少。至壯至老。如意之事常少。不如意之事常多。人雖大富大貴。天下之所仰羨。以爲神仙快樂。要知其不如意處。各自有之。與

貧賤人無異。但其所憂患之事不同耳。是謂之缺陷世界。以人生世間。無足心滿意者。能達此理而順受之。則享許多自在安樂之福矣。

自投苦海

人生不滿百。常懷千歲憂。世人自十五歲。至二十歲以上。爲身計。自二十歲。至四十歲。以上。爲家計。自四十歲。至五十歲。以上。爲子孫計。自五十歲。至六十歲。以上。爲老計。自六十歲。至七十歲。以上。爲死計。中間



營營擾擾無一息少歇。得寸望尺。得百望千。如飛蛾之投燭。羝羊之觸藩。不免計未周而生先盡。慮未及而形不留。一朝長寢。萬念繞灰。是自投苦海也。

### 貪心致愁

小民所望者狹。至於衣食不給。朝不謀夕。猶然咏歌不輟。乃士大夫。少不如意處。便憂愁無聊。若不可活。假如處小民不足境界。又當何如。甚有當堪敵國。又歎一命之不沾。貴極人臣。還恨九錫之不至。是數

奇薄福之人。貪心所致也。前人云。舉世盡從愁裡老。誰人肯向死前休。深爲可憐。

### 平當好

世路崎嶇。有一樂境界。就有一不樂處。相對待。有一好光景。就有一不好處。相乘除。譬如妻妾樂矣。而有戕賊之苦。珍珠樂矣。而有造業之苦。飲酒樂矣。而有中酒之苦。富厚樂矣。而有人來欺。銜妒害之苦。爲官樂矣。而有繁勞奔馳降調之苦。團聚樂矣。而有終須



離散之苦。惟尋家常飯。甚堪咀嚼也。

### 當下便休

人雖事理明。徹若不肯當下便休。直要尋個了局。是終無了局矣。譬如婚嫁。雖完事亦不得了。僧道雖死。心亦不得了。終日勞擾。自取煩惱纏縛。無有休歇矣。

### 知足木殆

歲月本長也。而忙者自促之。天地本寬也。而鄙者自隘之。風花雪月本閒也。而勞攘者自冗之。總因不知

足也。惟智者。凡事留個有餘不盡的意思。進步處常思退步。則面前徑路何等寬舒。造物不能忌。鬼神不能損。這纔是安樂妙法。

### 不知享受

人生在世。如白駒之過隙。風雨憂愁。輒居三分之二。其間能得清閒。而開口笑者。有幾口耶。惟富貴家。再不知享受。命無百年之固氣。作千秋之期。身坐膏火之中。心營天地之外。終日攢眉作楚囚相對。直至屬



纒乃已。試觀牛羊踐踏之場。乃昔日歌舞繁華處也。營營何爲者。所以云。處世若大夢。胡爲勞其生。

誰能知足

光武帝曰。人苦不知足。既得隴。復望蜀。可見世界。自壯至老。自貧至富。自賤至貴。知足者。誰歟。試看賓朋雲集。劇飲淋漓。自謂世間無復此快。俄而漏盡燭殘。香銷茗冷。不覺反成嘔咽。令人索然無味矣。天下事大率類此。柰何人不急早猛醒耶。

忍

忍之一字。乃應世之要法也。夫忍者所謂不拘事之大小。皆當待守於忍。今人不知忍義。或以爲迂。或以爲儒。及至橫逆相加。鮮無一朝之忿。小而構怨於一時。大而貽害於終身。不忍之爲害。可勝言哉。昔人云。忍字敵災星。又云。忍氣饒人禍。自消。諺云。忍字中間有一刀。不忍分明。把禍招。景行錄云。忍一時之氣。免百日之憂。一切諸煩惱。皆從不忍生。忍是心之寶。不



忍身之殃。思量這忍字。好個快活方。片時不能忍。煩惱日月長。孔子謂小不忍。則亂大謀。佛以六度萬行。忍爲第一。老氏教人忍難忍之事。邵康節曰。君子能忍人之所不能忍。胡文定曰。人能常忍得身安。唐張公藝九世同居。高宗詢其法。公藝書忍字百餘。以進。上善之。洪武御製云。待人寬一分。是福。雲谷禪師自稱百忍頭陀。大覺真仙自號忍辱山人。西山真德秀大書忍字於一室之中。凡遇拂意之事。卽散步徘徊。

於其下。秦郵王心齋。遍題忍字於四壁。人以非理相干。舉自見之。卽忘。元自實。忍一時之忿。寬雙言立解。莫氏子。忍群小之侮。險難頓消。鄧孝廉佩忍字以隨身。明彰其德。陸處士勒忍字以勸人。陰註其功。浦江鄭氏。惟用忍字傳家。子孫奉之以爲箴。長沙太守。惟以忍字化民。百姓因之而息訟。由此觀之。三教聖賢。言論行事。前後一轍。足徵忍之有益於人。而不可須臾離也。予勸世人。各錄此說。粘之座右。務令出入之際。



觸目警醒。要知天下事。凡退讓處。却是自己古地步。處。凡吃虧處。未必不是討便宜處。平日但當如此力行。以責人之心責己。以恕己之心恕人。將忿戾之氣。漸漸改去。而含容之念。必駸駸乎其克長。久久行之。由勉強而入自然。動念皆忍。觸處皆忍。一腔之內。渾渾融融。藹然如在春風和氣中。此等境界。只向度量寬弘處。便贏得自在快活來。人能領畧。則一生受益不盡。舉凡應事接物。無往不利。聖賢修己治人之學。

實不外此。豈曰小補云爾。如果事之必不當忍。者亦須斟酌。其是非曲直。大小真假。然後相機以應之。理平即止。切不可漫無持忍之心。則庶乎其不差矣。

### 取水中蠓虫養金魚

富貴家養金魚。以供玩賞。謠傳用水中蠓虫與食。因而貧人用布袋取虫。論勛賣銀每勛。不過得些微計。害生命。不知其幾萬。因我一玩致喪多命。與心何安。家中不養金魚。即養亦不取虫與食。造福多矣。



螢燈

揚城夏月。子見滿街賣螢火小燈。方圓奇巧式樣。粗者紗紙。一二文錢一張。細者料絲。十餘文錢一張。孩童買來戲耍。以致晚間遍地尋捉螢虫。放入燈內。取其光亮。螢不能飛出。盡皆餓死燈內。又有黑晚地下捉螢。遇蜈蚣壁虎蠍鉤咬傷兒手。叫痛不止者。更有螢虫攢入兒耳。食兒腦血。莫能解救者。何苦因極微之利。造此傷生惡業。有此心巧工夫。諸事可以尋錢。

急須改業。積德不小。各家兒童。凡遇螢燈。嚴叱勿買。卽有買來者。立刻撕碎。庶買者少。則賣者無矣。

總有定數

每見積財之家。無詩書。習儒之士。乏資斧。金帛盈室。而疾厄相仍。壽老康強。而饕餮不給。多置妾而終望。子甫登仕而旋。免官。或燕會經旬而倏忽。罹乎。憂患。或遊眺刻期。而適然。阻於風雨。子變萬狀。莫可測度。總之定於數命。人力無如之何。知此則達矣。



選用吉時要在早晨

人家凡有一切喜事如祭祀婚娶豎柱上梁移徙入宅入學上官之類俱宜在早晨日出之卯辰時最為上吉。取其日漸光明。即有陰邪諸煞。一經太陽普照則不能為害矣。次即巳午時亦可。但不可用夜晚諸時。蓋夜屬陰暗之象。非喜慶所宜。至於通書所載各時吉凶神煞選例。未可信也。

對聯忌字

人家住房各門上廳上每年對聯。關於闔家祥瑞。非同山居花園之可比。寧可鄙俗富麗。不可清淡寒酸。其聯內應忌之字。凡死亡災病。憂愁惱恨諸字。人皆知而不用。至於史字。死字同音桑字。喪字同音溫字。光字。氣字。文如孤寡虛空無絕盡終仙逝故戚分離嗟歎等字。或竟不用。或以他字改換。至於聯內字意。猶當逐字推敲。其座傍壁上斗方書條。亦須揀選。昔邵康節梅花字數。每以此古卜休咎。豈可忽耶。



撕門神對聯

歲暮人家洗換門神對聯。每每將彩像對字任聽奴僕撕洗滿地。飄入溝渠。踐踏穢污。全不知惜。非獨輕賤字紙甚爲過愆。且將自家門上之富貴福壽平安財喜等字。亂行拋棄。大不宜也。至於一年保守門戶之神像。除不加敬拜。而反任踏污作賤於心安乎。此事雖是奴僕童稚之無知。豈知過愆總歸於家主矣。須當拾聚一處曬乾焚之。

洗門神對聯

歲暮洗門神對聯。先用水洒濕。停一時。俟浸透則易於撕揭。撕完再用淨布通長抹去紙跡。

新油漆門扇貼門神對聯

門新油漆。或用薑擦。或用草紙抹。俱不好。惟用麻布包細石灰。扎一團照門神對聯大小樣擦到。抹去浮灰。照跡貼上。自然不趨不起。

貼門神對聯



門神紙張多是礬刷。須於買來時先用綿紙裱托一層。裁好捲存。如有描金者。須先將綿紙用糊刷好。再將門神正面向上。捲次舒開。另用油紙蓋上。乾刷刷到。輕輕揭貼。候乾裁好捲存。未貼時先用紙條離門枋濶窄驗定。用紅筆或白筆在塵起貼之處。方角畫定小痕。貼時照痕貼上。自無高下偏過之失。大約貼門神時。將糊刷到。輕輕揭起。覆於胸腹上。走到貼處。按畫定痕上粘好。另用一廢紙做本。覆浮於上。先從

門神面目中間。一直接到底。然後再兩邊分按。貼實自然舒坦不皺。貼對聯亦照此法。

### 祀門神

人家土地床灶井坑諸神。俱有敬祀。惟獨門神。是合家守戶之靈。職司啓閉防禦外邪。終歲並無清香一炷。於心何安。予以爲當於門神新貼之時。虔備香紙誠心敬拜。不爲多事。若門戶衆多者。惟以總出大門爲主。如以予言爲非。試看官長到任。例有先祭儀門



之禮。是予此說亦有謂也。

一切利債歲底暫緩追討

手頭寬餘之家。從不欠人利債。其欠人利債者。大半皆淡薄窘迫之人。每到冬寒臘月。衣不充身。食不充口。啼饑號寒。告救無門。看別人家內。諸事治辦。自己手內無錢。有此少彼。悲歎可憐。若有欠債。再加追討。更是難堪。昔人云。人人說我無行止。你到無錢便得知。奉勸財翁利債。可暫緩來春取討。此實在功德也。

歲暮早還欠帳早送禮物

每年歲暮。凡先生束脩。夥計辛力。僕役工食。各店欠帳。以及親友節禮。須要預爲設項。俱於臘月半邊。早先算清。逐一開數。散交明白。若遲至歲底。在我同是一樣。出銀並不短少。要知此時。諸事逼迫。諸物價貴。彼雖得銀。難轉難買。甚至有錢無市。淡薄之人。更加吃虧。我家事事。俱要早備。獨不念他人難處乎。此事雖小。最惹人之怨恨。文傷我之長厚也。



敬坑廁井神

揚俗歲暮。凡遇坑廁井泉。俱用小紙印成坑三姑井泉仙童神像。用團花金錢夾於蘆枝插其地上。以爲敬神。殊不知一經風雨。所印神像。隨卽飄落。盡皆穢污灰糞。亦有供人腳踏者。若將神像如此作賤。爲之敬奉。予恐神不降福。而且降災矣。又况有字跡之當惜耶。或問予曰。以子之見。坑井之神。俱可廢歟。予謂以神像同香紙。於彼地望空焚之。豈不甚好。

瞽目人最苦時當憐恤

世上最苦楚者。莫過於瞽目貧人。當日至聖孔子見之。雖少必作。過之必趨者。亦係矜不成人。所以肅然起敬也。在有眼之人。兩目光明。如居天堂福地。何等快樂。若彼瞽者。兩眼不見一物。經年累月。黑地昏天。如在九幽地獄中度日。卽耳聞父母妻子叫喚聲音。總不知是何等形相。衣服飲食。止解穿吃。並不知是何等顏色。若家資有餘者。尚可過活。倘貧而無力。或



又腿癩。或又患病。或又鰥寡孤獨。年老衰朽。猶如雪上加霜。其慘苦更增百倍。予勸仁人長者。凡乞丐中遇有此等殘疾之人。或錢或米。或多或少。量力佈施。與者亦無傷於惠。其受者則可苟延性命矣。在平常固當時加週恤。倘遇過年時節。冬寒臘月。尤當加意憐濟。其功德感應。較之諸樣佈施。勝於多多矣。

### 賣吉祥丹

瞽目貧人。除算命起課。磨香唱曲之外。無可生理。予

幼年間。日覩每年臘月歲終。賣吉祥丹者。俱係瞽目人。背負布袋。遍歷街巷。叫喊賣與各家。除夕焚燒。祈保平安。要知瞽目貧人。歲底無處生活。藉此微有所得。即可敷衍度歲。譬如揚城十萬人家。每家一文錢。卽有十萬餘錢。都散在瞽目人身上。甚有每家二文錢三文錢者。豈不暗中救濟若輩。一時之困苦耶。無如各醫生。各生藥店舖。每於臘月吉祥丹包。盈千累萬。凡有知交。挨家遍送。覬覦節下答禮。獨不思我送



丹一包。卽防彼瞽目之人。少得一文錢矣。合少成多。幸勿以小而忽。但醫家藥舖。何事不可求財。有眼之人。何處不可尋錢。何苦定與瞽目貧人。爭此些微蠅頭。以自損其德哉。依從予言。救濟許多瞽目貧人。陰功不小。

買吉祥丹

歲底瞽目貧人。遍處賣吉祥丹。口叫云。吉祥丹。吉祥丹。三十晚裡燒一個。一年四季保平安。要知叫此語

者。無非取其吉利。豈真能保定平安。轉禍爲福哉。不過向瞽目人口中。討此吉利讖語耳。惟是瞽目人說話。最有靈驗。卽如算命起課。揣骨等技。每每多係瞽目。其吉凶禍福。往往應於若輩之口。蓋因瞽則目光內照。神不外馳。心無二用。不爲外物所誘。所以言之每多準驗也。今後直須向瞽目人買此靈丹。討彼吉利讖語。凡醫家藥舖。默送之丹。俱不可用也。

吉祥丹不必要多



買吉祥丹。原取瞽目人口中吉利讖語。非因此丹之多寡。遂定吉利之多寡也。識透此理。雖一顆兩顆之小。亦可爲用。在他人一文錢買丹一包。我須以二文錢買丹一包。再或以數文錢。只取丹一包。令彼無目瞽人歡天喜地。感激多般。再加添幾句吉利好話。豈不更甚於買多丹乎。予每見有人。將一文錢向瞽目人。強要丹二包。爭添較量。真爲大錯。

灶飯占卜來年水旱

臘月二十四日。恭送灶神。預煮糯米灶飯。先盛滿碗。供奉灶上。志誠焚香。祈保合家平安。順遂。祝後再占來年水旱。求於飯碗內乾濕示知。候三十日接灶神之後。去飯細看碗內。如潮潤。主雨水調和。如太濕汗。流主大水。如乾主旱。極有靈應。予家每年占之。

### 放吉炮

除夕元旦。多放吉炮。非謂驚走山魃。要知炮聲响亮。助振陽氣。祛除陰邪。須買堅實大者。不可省費。另買



藥線。倘有息悶不响者。隨即用錐穿眼。入線再放。庶無忌諱。至於高升起火。切不可用。倘墜落貧家草房。風吹火發。延燒多處。救援不止。害人不少。何苦爲此大損陰德之事。又何苦干犯官長之嚴禁也。

除日元日不可多說話

預先吩咐家中孩童婦女大小人等。到除日元日。無論好話壞話。俱不可說。亦不可喧譁。嗟歎。唱曲念書。惟宜靜坐欣喜。免許多忌諱。自有許多吉祥也。

### 守歲酒

臘月三十晚。大小人家。俱備酒餚。合家團圓聚坐。謂之守歲。斟酒先從極幼小孩童起。照年歲次第。至老年長者。取其長進之義也。但酒盃須用金銀銅錫者。或用篋絲銀鑲者。切不可用磁瓦酒盃。倘小孩不知忌諱。誤墜打破。關於次年一歲之休咎。不可不謹防也。至於飲酒止飲五六分而已。切不可飲醉。倘若飲醉。一則次日元旦。不能起早祀神。二則因其醉後神



昏氣濁。心中自不爽快。三則賀客到來。宿酒冲人。大非一年之佳兆。

### 元旦念佛欣喜

元旦拜祀天地家神灶神祖先尊卑恭賀之後。卽持齋靜坐。誠心念南無阿彌陀佛。不拘遍數多少。心中不必思前想後。惟感神天。賜我飽煖安康。無災無病。卽是極大之福。須要時時刻刻。自生欣喜快樂。至於看書讀書。與人談說。恐有犯忌字句。不若只以安靜

閒適爲好。除夕以及壽喜。俱當依此。

### 放吉炮

爆竹不可收藏潮濕處。亦不可近潮濕物件。放時將吉炮置平地。點着站離遠些。自然得响。每有一等人賭興。將炮捏着扎蒂在手中。點放者又有點着丟高望空中放者。予曾親見有人。捏炮手中。點放。豈知扎蒂鬆散。火着炸開。竟將手指燒裂。血流不止。何苦自尋痛楚。至於點丟空中。每每落墜濕地。或水汪之處。



藥線息而不响。何苦自討踴蹬。

拜年

凡知交一切朋友親族。遇年節之時。不論其先賀後賀。或尊或卑。或貧或富。順着路徑。開一長單。挨家俱投帖恭賀。交厚者入內面叩。要知平時疎密不一。此時歲首。再各登賀。交道幾乎忘失矣。今人每憚此行。或藉團拜推懶。或貼朝山進香。自尊自大。是何義耶。如果衰老有病。亦須早令子侄代之。

燈節下放花炮

富貴人家燈節下多買烟火花炮於人衆之處點放。在自己原是一樣玩賞。未曾虧減。在人衆俱可共觀。此卽與人同樂。心腸深可嘉也。予見有等統褲子第。尖料奴僕。買許多火藥。攜藏暗處。如霸王鞭。火藥包。手筒花子。飛魚。大炮竹。九條龍之類。悄悄點着。向衆人叢中丟放。藥性猛發。忽令人衆擁擠。跌倒博取一笑。殊不知衆人只知貪看花燈。並不隄防。忽然遇此



以致燒損衣帽。踏污鞋襪。跌壞手足。甚至婦女頭髮  
燒臭。眼睛燒瞎。頭臉燒得青腫。其老人小兒。殘疾弱  
人。損傷更甚。竟有性命之憂者。嗟乎。因在自已。不過  
取笑一時。卽令他人遭此奇禍。雖自已貴勢炎炎。誰  
敢較量。自捫自心。何其殘忍至此哉。吾恐其日後災  
難之果報。當有甚於此者矣。切須嚴諭子弟家人。共  
加謹戒。烟火中。但有走線暗藏。火炮燒人者。須預令  
造匠。一槩不可用也。

惜字

山山大師原本

三教之中。儒稱爲首。四民之內。士列於前。當尊古聖  
之書。宜重先賢之字。僧家說法。必盥手以焚香。羽客  
談微。卽莊顏而正几。獨吾儒。藐觀孔孟。輕視詩書。或  
攜作枕。惟圖晝寢之安。或疊爲欄。僅博遠瞻之適。科  
頭跌足。手持一卷。以吟哦。露背攤胸。膝置數行。而課  
誦。入廁。或行翻閱。遇醉。常自擬題。惡語侮人。謬竊聖  
賢之典。淫詞敗俗。喜粧雅頌之詩。貪眠拋卷於牀。瞻



文嚼稿於口。文章拭桌。巧言隨拭隨焚。典籍和灰。妄  
謂不和不滅。甚以廢書易物。乃爲散棄之由。舊冊糊  
房。却是飄零之始。詭秘劃言於地。輕狂題句於牆。蒙  
館校書。怒子弟而擲其卷。芸牕習字。違黠畫而碎其  
箋。士人不敬若斯。愚夫何惜之有。由是覆罈蓋。甕兼  
之顛倒。糊窻裊盞。擦盤更以橫斜。補籠包烟而瑤篇  
伴土。造爆而錦字飛灰。或作竹馬之頭。騎破常堆糞  
內。或爲紙鬼之面。戴壞每棄穢中。或捲燭根。火滅根

隨瓦礫。或裱帽盃。紙碎盆擲泥沙。作孽之徒。專鋪巖  
底。昧心之輩。好襯靴幫。頌政刊詩。傳粘滿壁。輒爲風  
雨凋零。毀人刻揭。遍貼沿街。旋被汗泥塗抹。繡戶爲  
針線之帖。茶坊作糖果之包襪。底鞋傍。多書名號。傘  
頭碗足。盡寫齋居。孰知旛布縫帆。必受風濤之險。壽  
圖裁被。洪遭夢壓之驚。造業自是無窮。片紙豈能盡  
述。世間輕褻。實由儒閒。宇內尊崇。還自士轉。坐書雙  
目俱瞽。惜字奕世聯元。因果昭彰。各宜猛省。報施顯



著祈永遵行。

敬字

世人不知敬字。因不惜字。予勸人爲惜字事。先勸人生敬字心。字何以當敬。蓋天地神祇之號。聖賢仙佛之稱。祖宗父母之名。皆散著於字。人不敬字。卽得罪天地神祇。得罪聖賢仙佛。得罪祖宗父母。甚矣。字不可以不敬也。知敬則知惜。夫字之當惜。尤以其有功於人者大也。自有書契以來。天下之人。孰不生於字。

成於字。富貴於字者乎。試觀上而帝王卿相。以字經國家。統萬民。名賢大儒。以字明人倫。闡至道。忠臣孝子。義夫節婦。以字發潛德。表幽光。至於學者。以字通古今。士人以字取科第。文臣以經史之字而從政。武臣以韜畧之字而安邦。下界祈禳。藉符籙之字。回天意。民間疾苦。賴奏疏之字。達宸聰。簿書期會。居官者非字何憑。牌票文移。作吏者惟字是守。若夫聯姻異姓。有婚啓而結夫婦之歡。遊客他鄉。得音書而慰父



毋之望。買田宅而子孫執業。惟憑文契數行。通有無而彼此交財。祇據券票一紙。合同爲約。而朋友之信義恒存。分產有書。而奕世爭端永杜。商旅有字。作引而關津莫阻。市厘以字爲招。而交易流通。出入收支。有帳目則稽查不失。往來交際。有簡札則結好無愆。他如占卦決疑。恃卜筮之字。而避凶趨吉。求醫治病。賴方書之字。而起死回生。星家據臺曆之字。以推命。相士由風鑑之字。以觀人。鳴冤者。以片詞而釋罪。防

患者。以執照而無憂。下而農家之輩。因佃字而得耕。耘。賤而傭工之徒。憑催字而覓衣食。由此以推。天下無人不用乎字。無事不用乎字。信字之有功於人者。大矣。可不加意敬惜哉。今曾勸世人隨時檢點。逢人勸化。見有敬惜者。褒揚以勉其餘。見有作踐者。規戒以警其後。近則起惜字之會。倡率乎一鄉。遠則廣敬字之規。流傳乎四海。則人感天應。許多福利。自集於躬。而垂於後矣。



敬書四條

淨手翻閱。正襟講誦。書文簡冊。置高潔處。  
聖賢成語。勿供戲謔。

惜字要法

字紙或積於籃或焚於爐。字灰或沉於水。埋於土。布帛有印記之字。洗去裁衣。磁器有字。收集埋土。

字紙十七戒

賣廢書與人。遺棄穢法中。脚下踐踏。嚼爛吐棄。

糊牆壁。裱箱屏。包物。覆瓦。拭几硯。擦垢穢。

燃燈夜照。刀剪裁破。因怒扯碎。與婦女夾針線。

枕籍坐卧於下。刊淫詞。貼揭帖。

字是至寶 刪改史摺臣語

字乃天地間之至寶。成人功名。佐人事業。開人識見。為人憑據。不思而得。不言而喻。能令古今人隔千萬年。覲面共語。能令天下人隔千萬里。攜手談心。有欲聞於人之言。彰其字而白之。有不欲聞於人之事。封



其字而達之傳古聖欲傳之心法記今人難記之瑣事。無往而不賴乎字。若無福之人雖極力求之。旋得旋失。有福之人藏之胸臆。卽勇者盜者莫能劫之而去。豈非天地間之至寶耶。以天地間之至寶不加愛重。却乃糊牕裱壁。拭穢包物。自必大折福壽矣。人失一錢一帛。則曰可惜可惜。獨於天地間之至寶。褻之而不知悔。賤之而不知惕。真輕重莫辨矣。今一字不識之人。見片紙隻字於路傍。必拾起。搥之於壁。以待

惜字者取而焚之。隨卽祝曰。願我來生識字。或曰。是誰作孽。其敬吾儒之字也如此。而吾儒反自輕之。豈不可怪。可歎。願同志君子。凡遇斷簡殘篇。廢棄字紙。俱卽焚之。以貽後裔。以資來世。若夫欺心昧心。誣人害人之字。下筆卽有果報。或名利暗減。刑禍漸生。或書香絕脉。子孫聾聵。更須大加慎惜也。

敬惜五穀

添改金少高

五穀者。天地之寶。生人之命也。是以明哲聖王。必貴



五穀而賤金玉。誠以生人一口不再食。則饑得此則生。不得則死。非若金玉之類。饑不可食。寒不可衣也。如謂挾金可以得穀。不見夫凶荒之歲。有餐草木食泥土者乎。不見夫患難之鄉。有易子食析骸爨者乎。總之農夫之家。狼籍粒米。其後必有凶年。飽煖之家。拋棄五穀。其後必至饑餒。蓋天地鬼神。重珍民命也。人當敬體此意。常存愛惜之心。耕者不以樂歲而狼戾。食者不以多藏而拋棄。庶幾敬食得食。終身溫飽。

不致有饑寒之厄矣。昔陳僖敏公鎡。父孟玉爲人善。良嘗出行登廁。見鍋底飯一塊。在廁傍。拾於水中。滌而食之。是夜夢神告曰。翁好善如此。當獲福報。吾梓潼神也。今將降生。以大爾門。未幾生公。仕至尚書。累贈翁。如其宦。觀此則可法矣。

拋棄五穀

添改李天錫

五穀爲土德之精華。人賴以養生者也。是以天子親耕。聖人重粟。凡爲生民粒食計耳。乃若散之棄之。或



在田拋散而不收。或在倉紅朽而不問。或投之水火之中。或委之踐踏之下。或食其精而遺其粗。或因其多而棄其餘。或羹飯已成而妄廢。或苗稼未獲而先芟。或以飯食飼禽。或以菽麥養畜。皆是暴殄天物之甚者。豈知饑荒之展轉。乞丐之哀號。卽從此中得來。吁可畏矣。昔宋工黼爲相宅。與一寺爲隣。其宅溝中。每日流出飯顆。皆雪色累累不絕。隣僧見而收之。洗淨曬乾。積成一囤。及靖康城破。黼家絕食。僧卽用前

米。水浸蒸熟。朝夕餽進。老幼爭食。其甘如飴。後黼知其故。歎悔久之。尋伏誅。觀此則可戒矣。

有忌之姓慶賀莫早往

人家一有喜慶之事。誰不喜於吉利。自己思量。但凡姓字有可忌者。如姓史與死字同音。姓桑姓溫與喪字。瘟字同音。凡過年時節。卽不可於年首初一日往拜。恐彼人忌諱嫌惡。或親友家賀壽賀喜。俱不可早往。去須稍遲。俟他姓往拜之後。彼則不忌。非獨自己



存長厚之道且免他人之不悅也官長前史姓每改爲吏桑姓每改爲樂今柬帖上書寫或暫改一時甚合時宜陳眉公云有穿麻服白衣者道遇吉祥喜事卽相與牽而避之勿令相值其事雖小其心則厚予讀之深服其長厚之道也

送人禮物要得實惠

凡餽送親友禮物須要因人而施譬如富貴人則以金珠玩好書畫扇帖是其所喜貧賤人惟以柴米銀

錢乃爲急需若送不急之禮物令受者不得實惠是以有用之金錢而置無用之地也雖送如同未送一切婚喪時節俱當體貼此意

送人貴重禮物預先通知

凡送人屏軸衣帽靴鞮酒食燭炭以及優樂轎馬舟車人夫等類或公分或自備須預先通知彼家或轉人傳說或寫帖藉問日期長短式樣令彼知某某件已有一則令其可以少備省費一則知道已有某件



可以放心若不預爲通知。如在有餘之家。猶可處置。如係平常之家。豈不重復廢棄。甚可惜也。自雖多費。而彼不能得其實惠。難免人之不悅也。

莫送爆竹

年節下。或人家有喜慶事。不可買爆竹送人。倘或藥線潮濕。點放不响。其家未免蹭蹬。我本無心。彼認有意。豈不歸咎於我。

煖天莫送葷食

揚俗賀壽賀喜之禮物。凡盃緞爐瓶多係假借。飾觀所實備者。惟是食物。這家雞鴨蹄肚。那家蹄肚鴨雞。冬月尤可醃存。若係煖天。禮未出盤。而臭味元已撲鼻矣。棄置無用。深爲可惜。以予愚見。各出分金。多少隨人收壁。隨人便。人便已。何等不妙。予另有細說。刻於知世專書內。

莫送大燭

每見賀壽賀喜。動輒送人金字大燭。或二觔一對。或三四觔一對。要知收者。堆集許多。若非大立臺。并多



人照看。則不能點。反至向燭店換燭。二觔大燭。尚不能換常燭一觔。甚為可惜。何不送每觔四枝八枝者。隨人取用。而得實惠耶。

送木麵燭炭

送人禮物。原要實惠。世間得用之物。莫如米麵燭炭。貴賤貧富。俱所必需。卽如送人米麵。多可以幾担。幾十担。少亦可以幾斗。幾包。彼雖富貴有餘。亦可存積。緩用。或轉送親友。雖覺鄙俗。不似他物送去。有得

用不得用之虛費也。

送靴送鞋

送人靴。送人鞋。可貼小紅帖於內。云。買自某處某店。恐大小任換。則受者得其實用。而不虛費矣。此說須於買時。同店主說明。大小管換。則臨換自無推托。

送酒

送人整罈大酒。若或錐嗜。未免易壞。須在買酒時。預向店主說明。如或味酸。味變。言明包換。送時可用紅



紅貼於罍上。寫明某椽酒。買自某處某槽坊。包用包換。萬一不佳。則彼自可換矣。

辭色和靄

對親友。不獨言語俱宜。和悅。卽容色都要和靄。總令人衆親敬。若或易動惱怒。易變嚴戚。自尊自。人不學謙虛。最惹親友不喜。取怨招尤。多因於此。

寡言之妙

對人少言語。不獨免許多口舌是非。批評議論。且而

自己養許多精神氣力。世上最討便宜之事。無過於此。不可不切記謹守也。

妄言妄聽

親友中如有好說謊妄言者。或誇張自己才能。或亂說他人長短。或講過去之官場。或談未來之大話。或扯漢入唐。或將無作有。我只是耳聽口應。明知其妄。却不可駁削。亦不可譏誚。要知彼雖妄言。我却妄聽。原與我無干碍。何妨任彼談論。既不種怨。文不惹嫌。



此涉世最妙之法也。

### 備火把

請親友酒飯。以反親友到我家有事。或久談久坐。條至黑晚。在富貴之人。自有僕從跟隨。燈火迎接。若係淡泊之人。每多乏價。路遠天黑。自然徒步難行。我家雖有燈燭。若着价送去。未免路遠往返。且恐彼心不安。又恐送此人而彼人不喜。送彼人而此人不樂。若不着价送去。豈有令彼自提燈籠之理。甚不方便。予

立拙法。預備小火把幾條。藏於空房。如親友無燈价者。可取火把點着送交。豈不兩便。此事雖小。人心甚爲感悅也。其火把長者。可預剝兩段。藏爲路近者用。

### 備雨傘木套

雨傘木套。可多備兩三付。藏於家內。倘或親友到我家有事。偶然遇雨。令彼穿去。人自喜歡。但領傘套之人。一到家。卽着价送還。不可因彼家有而忘之也。

### 煖帽釘帶



今人涼帽用帽帶。具煖帽每多不用帽帶。要知舟中橋上。偶遇狂風。竟有吹落溝河者。更有刮棍竊賊。常於夜晚間。在空僻處所。突從背後。摘帽飛跑。追趕不上。不可不謹防。若新年歲底。或貴重貂帽。更須留心。

夜晚莫走僻巷

夜晚間。無論有燈無燈。俱宜從大路行走。不可走僻巷。以圖近便。一則恐防小人之反意。一則恐多水汪溝穢之污履也。



